

Neque tum eos illa opinio fecellit. Nam Zeux illico quæsivit ab eis; quasnam virgines formosas haberent. Illi autem statim hominem deduxerunt in palæstram, atque ei pueros ostenderunt multos, magna preditos dignitate. Etenim quodam tempore Crotoniæ multum omnibus corporum viribus et dignitatibus antesteterunt, atque honestissimas ex gymnico certamine victorias domum cum maxima laude retulerunt. Quum puerorum igitur formas et corpora magno hic opere miraretur: Horum, inquit illi, sorores sunt apud nos virgines; quare, qua sint illæ dignitate, potes ex his suspicari. Præbete igitur mihi, queso, inquit, ex istis virginibus formosissimas, dum pingo id, quod pollicitus sum vobis, ut mutum in simulacrum ex animali exemplo veritas transferatur.

Tum Crotoniæ, publico de consilio, virgines unum in locum conduxerunt, et pictori, quas vellet, eligendi potestatem dederunt. Ille autem quinque delegit; quarum nomina multi poetæ memoriae tradiderant, quod ejus essent judicio probatæ, qui verissimum pulchritudinis habere judicium debuisset. Neque enim putavit, omnia, quæ quereret ad venustatem, uno in corpore se reperire posse; ideo quod nihil, simplici in genere, omni ex parte perfectum natura expolivit: itaque, tanquam ceteris non sit habitura quod largiatur, si uni cuncta con-

cesserit, aliud alii commodi, aliquo adjuncto incommodo, muneratur.

II. Quod quoniam nobis quoque voluntatis accedit, ut artem dicendi perscriberemus, non unum aliquod proposuimus exemplum, cuius omnes partes, quocumque essent in genere, exprimendæ nobis necessario viderentur: sed, omnibus unum in locum coactis scriptoribus, quod quisque commodissime præcipere videbatur, excerpimus, et ex variis ingenii excellentissima quæque libavimus. Ex his enim, qui nomine et memoria digni sunt, nec nihil optime, nec omnia præclarissime quisquam dicere nobis videbatur. Quapropter stultitia visa est, aut a bene inventis alicujus recedere, si quo in viito ejus offendetur, aut ad via quæque ejus accedere, cuius aliquo bene præcepto duceretur.

Quod si in ceteris quoque studiis a multis eligere homines commodissimum quodque, quam sese uniuscui certo vellent addicere, minus in arrogantia offenderent; non tantopere in viuis perseverarent; aliquanto levius ex inscientia laborarent. Ac si par in nobis hujus artis, atque in illo picturæ, scientia fuissest, fortasse magis hoc suo in genere opus nostrum, quam ille in sua pictura nobilis emiteret. Ex favore enim copia nobis, quam illi, fuit exemplum eligendi potestas. Ille una ex urbe, et ex eo nu-

mero virginum, quæ tum erant, eligere potuit: nobis omnium, quicunque fuerunt, ab ultimo principio hujus præceptionis usque ad hoc tempus, expositis copiis, quodcumque placeret, eligendi portas fuit.

Ac veteres quidem scriptores artis, usque a principe illo atque inventore Tisia repetitos, unum in locum conduxit Aristoteles, et nominatim cujusque præcepta magna conquerita cura perspicue conscripsit, atque enodata diligenter exposuit: ac tantum inventoribus ipsis suavitate et brevitate dicendi præstisit, ut nemo illucrum præcepta ex ipsorum libris cognoscat, sed omnes, qui, quod illi præcipiant, velint intelligere, ad hunc, quasi ad quemdam multo commodiorem explicatorem, revertantur. Atque hic quidem ipse, et sese ipsum nobis, et eos, qui ante se fuerant, in medio posuit, ut et ceteros, et se ipsum per se cognosceremus: ab hoc autem qui profecti sunt, quanquam in maximis philosophiae partibus operæ plurimum consumserunt, sicut et ipse, cuius instituta sequebantur, fecerat; tamen permulta nobis præcepta dicendi reliquerunt. Atque alii quoque alio ex fonte præceptores dicendi emanaverunt, qui item permultum ad dicendum, si quid ars profit, opitulati sunt: nam fuit tempore eodem, quo Aristoteles, magnus et nobilis rhetor Isocrates: cuius ipsius quam constet esse artem,

non invenimus. Discipulorum autem atque eorum, qui protinus ab hac sunt disciplina profecti, multa de arte præcepta reperimus.

III. Ex his duabus diversis sicuti familiis, quarum altera quum versaretur in philosophia, nonnullam rhetoricae quoque artis sibi curam assumebat, altera vero omnis in dicendi erat studio et præceptione occupata, unum quoddam est conflatum genus a posterioribus, qui ab utrisque ea, quæ commode dici videbantur, in suas artes contulerunt: quos ipsos simul, atque illos superiores, nos nobis omnes, quoad facultas tulit, proposuimus, et ex nostro quoque nonnihil in commune contulimus.

Quod si ea, quæ in his libris exponuntur, tantopere eligenda fuerunt, quanto studio electa sunt, profecto neque nos, neque alios industrie nostræ pœnitentib. Sin autem temere aliquid alicuius præteriisse, aut non satis eleganter secuti videbimus, docti ab aliquo, facile et libenter sententiam commutabimus. Non enim parum cognosse, sed in parum cognito stulte et diu perseverasse turpe est: propterea quod alterum communi hominum infirmat, alterum singulari uniuscujusque vitio est attributum. Quare nos quidem sine ulla affirmatione, simul querentes, dubitanter unumquodque dicemus, ne, dum parvulum hoc consequimur, ut satis commode hæc perscrispisse videamur, illud

amittamus, quod maximum est, ut ne cui rei temere atque arroganter assenserimus. Verum hoc quidem nos, et in hoc tempore, et in omni vita studiose, quoad facultas feret, consequemur. Nunc autem, ne longius oratio progressa videatur, de reliquis, quæ præcipienda videntur esse, dicemus.

Igitur primus liber, exposito genere hujus artis, et officio, et fine, et materia, et partibus, genera controversiarum, et inventiones, et constitutiones, et judicationes continebat, deinde partes orationis, et in eas omnes omnia præcepta. Quare quum in eo ceteris de rebus distinctius dictum sit, disperse autem de confirmatione et de reprehensione: nunc certos confirmandi et reprehendendi in singula causarum genera locos tradendos arbitramur. Et quia, quo pacto tractari conveniret argumentationes, in libro primo non indiligerent expositum est, hic tantum ipsa inventa unamquamque in rem exponentur simpliciter, sine ulla exornatione, ut ex hoc inventa ipsa, ex superiori autem expolito inventorum petatur. Quare hæc, quæ nunc præcipientur, ad confirmationis et reprehensionis partes referre oportebit.

IV. Omnis et demonstrativa, et deliberativa, et judicialis causa, necesse est in aliquo eorum, quæ ante exposita sunt, constitutionis genere, uno pluribus, versetur. Hoc quanquam ita est, tamen

quum communiter quædam de omnibus præcipi possint, separatim quoque aliae sunt cujusque generis, et diversæ præceptiones. Aliud enim laus aut vituperatio, aliud sententia dictio, aliud accusatio, aut recusatio, conficere debet. In judicis, quid æquum sit, queritur; in demonstrationibus, quid honestum; in deliberationibus, ut nos arbitramur, quid honestam sit, et quid utile: nam ceteri utilitatis modo finem in suadendo et in dissuadendo exponi oportere arbitrati sunt.

Quorum igitur generum fines et exitus diversi sunt, eorum præcepta eadem esse non possunt. Neque nunc hoc dicimus, non easdem incidere constitutiones; verumtamen oratio quædam ex ipso fine et ex genere cause nascitur, quæ pertineat ad vite alicuius demonstrationem, aut ad sententia dictionem. Quare nunc in exponendis controversiis, in judiciali genere causarum et præceptorum versabimur. Ex quo pleraque in cetera quoque causarum genera, simili implicata controversia, nulla cum difficultate transferentur: post autem separatim de reliquis dicemus.

Nunc¹ ab conjecturali constitutione proficiscemur; cuius exemplum sit hoc expositum: In item quidam proficiscentem ad mercatum quem-

« dam , et secum aliquantum nummorum ferentem,
 « est consecutus . Cum hoc , ut fere fit , in via ser-
 « monem contulit : ex quo factum est , ut illud iter
 « familiarius facere vellent . Quare , quum in eam-
 « dem tabernam devertisserint , simul cenare , et in
 « eodem loco somnum capere voluerunt . Cenati
 « discubuerunt ibidem . Caupo autem (nam ita di-
 « citur post inventum , quum in alio maleficio de-
 « prehensus esset) quum illum alterum , videlicet
 « qui nummos haberet , animadvertisset : noctu ,
 « postquam illos ¹ arctius , ut fit , ex lassitudine
 « dormire sensit , accessit , et alterius eorum , qui
 « sine nummis erat , gladium propter appositum e
 « vagina eduxit , et illum alterum occidit , nummos
 « abstulit , gladium cruentatum in vaginam recon-
 « didit , ipse sese in lectum suum recepit . Ille au-
 « tem , cuius gladio occisio erat facta , multo ante
 « lucem surrexit , comitem ² suum inclamavit semel
 « et sapis . Illum somno impeditum non respon-
 « dere existimavit : ipse gladium , et cetera , quæ
 « secum attulerat , sustulit , solus prefectus est .
 « Caupo non multo post conclamavit , hominem
 « esse occisum , et cum quibusdam deversoribus
 « illum , qui ante exierat , consequitur . In itinere
 « hominem comprehendit , gladium ejus e vagina

¹ Arctius jam . ² Illum suum .

« educit , reperit cruentum : homo in urbem ab illis
 « deducitur , ac reus fit . » In hac causa intentio est
 « criminis , « Occidisti . » Depulsio , « Non occidi . »
 « Ex quibus constitutio est . Questio eadem in con-
 « jecturali , quæ judicatio , « Occiditeritne ? »

V. Nunc exponemus locos , quorum pars aliqua
 in omnem conjecturalem incidit controversiam .
 Hoc autem et in horum locorum expositione , et in
 ceterorum , oportebit attendere , non omnes in om-
 nem causam convenire . Ut enim omne nomen ex
 aliquibus , non ex omnibus litteris scribitur : sic
 omnem in causam non omnis argumentorum copia ,
 sed eorum necessaria pars aliqua conveniet . Omnis
 igitur , ex causa , ex persona , ex facto ipso , con-
 jectura capienda est .

Causa distribuitur in impulsionem , et in ratiocina-
 nationem . Impulsio est , quæ sine cogitatione per
 quamdam affectionem animi facere aliquid hortat-
 tur , ut amor , iracundia , aegritudo , violentia , et
 omnino omnia , in quibus animus ita videatur affec-
 tus fuisse , ut rem perspicere cum consilio et cura
 non potuerit ; et id , quod fecit , impetu quodam
 animi potius , quam cogitatione fecerit . Ratiocina-
 nation autem est diligens et considerata faciendi
 aliquid , aut non faciendi excogitatio . Ea dicitur
 interfuisse tum , quum aliquid faciendum , aut non
 faciendum , certa de causa vitasse , aut securus

esse animus videtur, ut, si amicitiae quid causa factum dicetur, si inimici ulciscendi, si metus, si gloriae, si pecuniae, si denique, ut omnia generatim amplectamus, alicius retinendi, augendi, adipiscendive commodi, aut contra rejiciendi, diminuendi, devitandive incommodi causa. Nam horum in genus alterutrum illa quoque incident, in quibus aut incommodum aliquod majoris vitandi incommodi causa, aut majoris adipiscendi commodi, suscipitur, aut commodum aliquod majoris adipiscendi commodi, aut majoris vitandi incommodi, praeteritur.

Hic locus sicut aliquod fundamentum est hujus constitutionis; nam nihil factum esse cuiquam probatur, nisi aliquid, quare factum sit, ostenditur. Ergo accusator, quem aliquid impulsione factum esse dicet, illum impetum, et quandam commotionem animi, affectionemque verbis et sententiis amplificare debebit, et ostendere, quanta vis amoris sit, quanta animi perturbatio ex iracundia fiat, aut ex aliqua causa earum, qua impulsum aliquem id fecisse dicet. Hic et exemplorum commemoratione, qui simili impulsu aliquid commiserint, et similitudinum collatione, et ipsius animi affectionis explicatione, curandum est, ut non mirum videatur, si quod ad facinus tali perturbatione commotus animus accesserit.

VI. Quum autem non impulsione, verum rationacione aliquem commississe quid dicet, quid commodi sit secutus, aut quid incommodi fugerit, demonstrabit, et id augebit, quam maxime poterit, ut, quoad ejus fieri possit, idonea quam maxime causa ad peccandum hortata videatur. Si gloriae causa, quantum gloriam consecuturam existimat: item si dominationis, si pecuniae, si amicitiae, si inimicitiarum; et omnino quicquid erit, quod causae fuisse dicet, id summe augere debebit. Et hoc eum magnopere considerare oportebit, non quid in veritate modo, verum etiam vehementius, quid in opinione ejus, quem arguet, fuerit. Nihil enim refert, non fuisse, aut non esse aliquid commodi, aut incommodi, si ostendi potest, ei visum esse, qui arguatur. Nam opinio dupliciter fallit homines; quum aut res aliusmodi est, ac putatur, aut non est eventus est, quem arbitrati sunt. Res aliusmodi est tum, quum aut id, quod bonum est, malum putant; aut contra, quod malum est, bonum; aut quod nec malum est, nec bonum, malum, aut bonum; aut quod malum, aut bonum est, nec malum, nec bonum.

Hoc intellecto, si quis negabit, ullam esse pecuniam, fratri aut amici vita, aut denique officio antiquorem, aut suaviorem, non erit hoc accusatori negandum. Nam in eum culpa, et summum

odium transferetur, qui id, quod tam vere et pie dicetur, negabit. Verum illud dicendum erit, illi non esse ita visum: quod sumi oportet ex iis, quae ad personam pertinent, de quo post dicendum est.

VII. Eventus autem tum fallit, quum aliter accidit, atque ii, qui arguuntur, arbitrii esse dicuntur: ut, ^r si qui dicatur alium occidisse, ac voluerit, quod aut similitudine, aut suspicione, aut demonstratione falsa deceptus sit; aut eum necassasse, cuius testamento non sit heres, quod ejus testamento se heredem arbitratus sit. Non enim ex eventu cogitationem spectari oportere; sed qua cogitatione et spe ad maleficium profectus sit, considerare; et quo animo quid quisque faciat, non quo casu utatur, ad rem pertinere.

In hoc autem loco, caput illud erit accusatori, si demonstrare poterit, aliis nemini causam fuisse faciendi; secundarium, si tantam, aut tam idoneam nemini. Si fuisse aliis quoque causa faciendi videbitur; aut potestas aliis defuisse demonstranda est, aut facultas, aut voluntas. Potestas, si aut nescisse, aut non affuisse, aut conficerre aliquid non potuisse dicetur. Facultas, si ratio, adjutores, adjumenta, et cetera, quae ad rem pertinebunt, defuisse alicui

^r Si quis.

demonstrabuntur. Voluntas, si animus a talibus factis vacuus, et integer esse dicetur. Postremo, quas ad defensionem rationes reo dabimus, iis accusator ad alios ex culpa eximendos abutetur. Verum id brevi faciendum est, et in unum multa sunt conducenda, ut ne alterius defendendi causa hunc accusare, sed hujus accusandi causa defendere alterum videatur,

VIII. Atque accusatori quidem haec fere sunt in causa facienda, et consideranda. Defensor autem ex contrario primum impulsione aut nullam fuisse dicet, aut, si fuisse concedet, extenuabit, et parvulum quamdam fuisse demonstrabit, aut non ex ea solere hujusmodi facta nasci, docebit. Quo et erit in loco demonstrandum, quae vis et natura ejus sit affectionis, qua impulsus aliquid reus commisso dicetur: in quo et exempla, et similitudines erunt proferenda, et ipsa diligenter natura ejus affectionis quam lenissime quietissimam ad partem explicanda, ut et res ipsa a facto crudeli et turbulentio ad quoddam mitius et tranquillus traducatur, et oratio tamen ad animum ejus, qui audiet, et ad animi quemdam intimum sensum accommodetur.

Ratiocinationis autem suspicione infirmabit, si aut commodum nullum fuisse, aut parvum, aut aliis magis fuisse, aut nihil sibi magis, quam aliis,

aut incommodum sibi majus, quam commodum dicet: ut nequaquam fuerit illius commodi, quod expeditum dicatur, magnitudo aut cum eo incommodo, quod acciderit, aut cum illo periculo, quod subeat, comparanda: qui omnes loci similiter in incommodi quoque vitaione tractabuntur.

Sin accusator dixerit, eum id esse securum, quod ei visum sit commodum, aut id fugisse, quod putarit esse incommodum, quanquam in falsa fuerit opinione: demonstrandum erit defensori, neminem tanta esse stultitia, qui tali in re possit veritatem ignorare. Quod si id concedatur, illud non concessum iri; ne dubitasse quidem hunc, quid ejus juris esset, sed id, quod falsum fuerit, sine ulla dubitatione pro falso, quod verum, pro vero probasse. Quod si dubitaverit, summae fuisse amentiae, dubia spe impulsum, certum in periculum se committere. Quemadmodum autem accusator, quem ab aliis culpam ¹ demovet, defensoris locis utetur: sic iis locis, qui accusatori dati sunt, utetur reus, quem in alios ab se crimen volet transferre.

IX. Ex persona autem conjectura capietur, si ea res, quae personis attributae sunt, diligenter considerabuntur, quas omnes in primo libro exposuimus. Nam et de nomine nonnunquam ali-

¹ Dimovet.

quid suspicious nascitur. Nomen autem quum dicimus, cognomen quoque intelligatur oportet. De hominis enim certo et proprio vocabulo agitur: ut si dicamus, « Idcirco aliquem Caldum vocari, « quod temerario et repentino consilio sit; » aut si, « ¹ Ea re hominibus Græcis imperitis verba « dedisse, quod Clodius, aut Cæcilius, aut Mucius, « vocarentur. » Et de natura licet aliquantulum ducere suspicionis. Omnia enim hæc, vir, an mulier; hujus, an illius civitatis sit; quibus sit majoribus, quibus consanguineis, quæ ætate, quo animo, quo corpore, quæ naturæ sunt attributa, ad aliquam conjecturam faciendam pertinebunt. Et ex victu multa trahuntur suspicione, quum, quemadmodum, et apud quos, et a quibus educatus ac eruditus sit, queritur, et quibuscum vivat, qua ratione vitæ, quo more domestico vivat. Et ex fortuna sœpe argumentatio nascitur, quum servus an liber, pecuniosus an pauper, nobilis an ignobilis, felix an infelix, privatus an in potestate sit, aut fuerit, aut futurus sit, consideratur; aut denique aliquid eorum queritur, quæ fortuna esse attributa intelliguntur. Habitus autem, quoniam in aliqua perfecta et constanti animi aut corporis absolute consistit, quo in genere est virtus,

¹ Ea de re.

scientia, et quæ contraria sunt; res ipsa, causa posita, docebit, eque hic quoque locus suspicionis ostendat. Nam affectionis quidem ratio perspicuum solet præ se gerere conjecturam, ut amor, iracundia, molestia: propterea quod et ipsorum vis intelligitur, et quæ res harum aliquam rem consequantur, faciles cogniti sunt. Studium autem quoniam est assidua et vemens ad aliquam rem applicata magna cum voluntate occupatio, facile ex eo ducetur argumentatio, quam res ipsa desiderabit in causa. Item ex consilio sumetur aliquid suspicionis. Nam consilium est, aliquid faciendi non faciendive excogitata ratio. Jam facta, et casus, et orationes, quæ sunt omnia (ut in confirmationis præceptis dictum est) in tria tempora distributa, facile erit videre, eque afferant ad conjecturam confirmandam suspicionis.

X. Ac personis quidem res ea sunt attributa, ex quibus omnibus unum in locum coactis, accusatoris erit improbatione hominis uti. Nam causa facti parum firmitudinis habet, nisi animus ejus, qui insimulatur, in eam suspicionem adducatur, ut a tali culpa non videatur abhorruisse. Ut enim animum alicujus improbare nihil attinet, quum causa, quare peccaverit, non ¹ intercessit: sic

¹ Intercesserit.

causam peccati intercedere leve est, si animus nulli minus honestæ rationi affinis ostenditur. Quare vitam ejus, quem arguit, ex ante factis accusator improbare debebit, et ostendere, si quo in pari ante peccato convictus sit. Si id non poterit; si quam in similem ante suspicionem venerit, ac maxime, si fieri poterit, similis aliquo in genere ejusdem modi causa aliqua commotum peccasse, aut in æque magna re, aut in majore, aut in minore: ut si, quem pecunia dicat inductum fecisse, possit demonstrare aliqua in re ejus aliquid factum avarum. Item in omni causa naturam, aut victimum, aut studium, aut fortunam, aut aliquid eorum, quæ personis attributa sunt, ad eam causam, qua commotum peccasse dicet, adjungere, atque ex dispari quoque genere culparum, si ex pari sumendi facultas non erit, improbare animum adversarii oportebit: « Ut si avaritia inductum arguas fecisse, et avarum eum, quem accuses, demonstrare non possis; aliis affinem esse vitiis doceas, et ex ea re non esse mirandum, qui in illa re turpis, aut cupidus, aut petulans fuerit, hac quoque in re eum delinquisse. » Quantum enim de honestate et auctoritate ejus, qui arguitur, detractum est, tantumdem de facultate totius est defensionis deminutum. Si nulli affinis poterit vitio reus ante admisso demonstrari; locus inducetur

ille, per quem hortandi judices erunt, ut veterem famam hominis nihil ad rem putent pertainere. Nam eum ante celasse, nunc manifesto teneri; quare non oportere hanc rem ex superiori vita spectari, sed superiorē vitam ex hac re improbari, et aut potestatem ante peccandi non fuisse, aut causam; aut, si haec dici non poterunt, dicendum erit illud extreūm, non esse mirum, si nūc primum deliquerit. Nam necesse est, eum, qui velit peccare, aliquando primum delinquere. Si vita ante acta ignorabitur, hoc loco præterito, et cur prætereat, demonstrato, argumentis accusationem statim confirmare oportebit.

XI. Defensor autem primum, si poterit, debebit vitam ejus, qui insimulabitur, quam honestissimam demonstrare. Id faciet, si ostendet aliqua ejus nota et communia officia: quod genus, in parentes, cognatos, amicos, affines, necessarios; etiam quæ magis rara et eximia sunt, si ab eo cum magno aliquo labore, aut periculo, aut utraque re, quum necesse non esset, officii causa, aut in rem publicam, aut in parentes, aut in aliquos eorum, qui modo expositi sunt, factum aliquid esse dicet; deinde si nihil deliquisse, nulla cupiditate impeditum ab officio recessisse. Quod eo confirmatius erit, si, quum potestas impune aliquid faciendi minus ho-

neste fuisse dicetur, voluntas ei faciendi demonstrabitur abfuisse.

Hoc autem ipsum genus erit eo firmius, si eo ipso in genere, quo arguetur, integer antea fuisse demonstrabitur: ut si, quum avaritiae causa fecisse arguatur, minime omni in vita pecuniae cupidus fuisse doceatur. Hic illa magna cum gravitate inducetur indignatio, juncta conquestio[n]i, per quam miserum facinus esse, et indignum demonstrabitur, quum animus omni in vita fuerit a viis remotissimus, eam causam, putare, quæ homines audaces in fraudem rapere soleat, castissimum quoque hominem ad peccandum potuisse impelle[re]; aut iniquum esse, et optimo cuique perniciosissimum, non vitam honeste actam tali in tempore quam plurimum prodesse, sed subita ex criminatione, quæ confungi quamvis facile possit, non ex ante acta vita, quæ neque ad tempus fingi, neque ullo modo immutari possit, facere judicium.

Sin autem in ante acta vita aliqua turpitudines erunt; aut falso venisse in eam existimationem dicentur, aut ex aliquorum invidia, aut obrectatione, aut falsa opinione; aut imprudentiae, necessitudini, aut persuasioni adolescentiae, aut aliucui non malitiosa[rum] animi affectioni attribuentur, aut dissimili in genere vitorum, ut animus non omni-

no integer, sed a tali culpa remotus esse videatur. Ac si nullo modo vita turpitudo, aut infamia leniri poterit oratione; negare oportebit de vita ejus et moribus quæri, sed de eo crimine, quo de arguatur: quare, ante factis omissionis, illud, quod instet, agi oportere.

XII. Ex facto autem ipso suspicione ducentur, si totius administratio negotii ex omnibus partibus pertinet: atque hæ suspicione partim ex negotio separatim, partim communiter ex personis atque ex negotio proficiscetur. Ex negotio duci poterunt, si eas res, quæ negotiis attributæ sunt, diligenter considerabimus. Ex iis igitur in hanc constitutionem convenire videtur genera¹ earum omnia, partes generum pleræque.

Videre igitur primum oportebit, quæ sint continentia cum ipso negotio, hoc est, quæ ab re separari non possunt. Quo in loco satis erit diligenter considerare, quid sit ante rem factum, ex quo spes perficiendi nata, et faciendi facultas quæsita videatur; quid in ipsa re gerenda; quid postea consecutum sit.

Deinde ipsius est negotii gestio pertractanda. Nam hoc genus earum rerum, quæ negotio attributæ sunt, secundo in loco nobis est expositum.

¹ Vulg. eorum.

Hoc ergo in genere spectabitur locus, tempus, occasio, facultas: quorum uniuscujusque vis diligenter in confirmationis præceptis explicata est. Quare, ne aut hic non admonuisse, aut ne eadem iterum dixisse videamur, breviter demonstrabimus, quidque in parte considerari oportet. In loco igitur opportunitas, in tempore longinquitas, in occasione commoditas ad faciendum idonea, in facultate copia et potestas earum rerum, propter quas aliquid facilius fit, aut sine quibus omnino confici non potest, consideranda est.

Deinde videndum est, quid adjunctum sit negotio, hoc est, quid majus, quid minus, quid æque magnum sit, quid simile: ex quibus conjectura quædam ducitur, si, quemadmodum res majores, minores, æque magnæ similesque agi soleant, diligenter considerabitur. Quo in genere eventus quoque videndus erit, hoc est, quid ex unaquaque re soleat evenire, magnopere considerandum est; ut metus, letitia, titubatio.

Quarta autem pars erat ex iis, quas negotii dicebamus esse attributas, consecutio. In ea quæruntur ea, quæ gestum negotium confessim, aut ex intervalllo consequuntur. In qua videbimus ecquæ consuetudo sit, ecquæ lex, ecquæ actio, ecquod ejus rei artificium sit, aut usus, aut exercitatio, hominum aut approbatio, aut offendio;

ex quibus nonnunquam elicetur aliquid suspiciorum.

XIII. Sunt autem aliquae suspicione, quæ communiter et ex negotiorum, et ex personarum attributionibus sumuntur. Nam et ex fortuna, et ex natura, et ex victu, studio, factis, casu, orationibus, consilio, et ex habitu animi aut corporis pleraque pertinent ad easdem res, quæ rem credibilem, aut incredibilem facere possunt, et cum facti suspicione junguntur.

Maxime enim queri oportet in hac constitutione, primum potueritne aliquid fieri; deinde ecquo ab alio potuerit; deinde facultas, de qua ante diximus; deinde utrum id facinus sit, quod penitere fuerit necesse; item quod spem celandi non haberet; deinde necessitudo; in qua, num necesse fuerit id aut fieri, aut ita fieri, queritur. Quorum pars ad consilium pertinet, quod personis attributum est, ut in ea causa, quam exposuimus. Ante rem erit, quod in itinere se tam familiariter applicaverit, quod sermonis causam quiescerit, quod simul deverterit, cœnarit. In re, nox, somnus. Post rem, quod solus exierit, quod illum tam familiarem comitem tam aquo animo reliquerit, quod cruentum gladium habuerit.

Horum pars ad consilium pertinet. Quæritur

enim, utrum videatur diligenter ratio faciendi esse habita et excoigitata, an ita temere, ut non verisimile sit, quemquam tam temere ad maleficium accessisse. In quo queritur, num quo alio modo commodius potuerit fieri, vel a fortuna administrari. Nam saepe, si pecuniae, si adjumenta, si adiutores desint, facultas fuisse faciendi non videtur. Hoc modo si diligenter attendamus, apta inter se esse intelligimus hac, quæ negotii, et illa, quæ personis sunt attributa.

Hie neque facile est, neque necessarium distinguere, ut in superioribus partibus, quo pacto quidque accusatorem, et quomodo defensorem tractare oporteat. Non necessarium, propterea quod, causa posita, quid in quamque conveniat, res ipsa docebit eos, qui non omnia hic se inventuros putabunt, sed [ad ea, quæ præcepta sunt, comparationis modo] quamdam in commune mediocrem intelligentiam conferent: non facile autem, quod et infinitum est tot de rebus utramque in partem singulatum de unaquaque explicare, et alias aliter hæc in utramque partem causæ solent convenire. Quare considerare hæc, quæ exposuimus, oportebit.

XIV. Facilius autem ad inventionem animus incedit, si gesti negotii et suam, et adversarii narra-

tionem s^epe et diligenter pertractabit, et ¹ quod quaque pars suspicionis habebit, eliciens, considerabit, quare, quo consilio, qua spe perficiendi quidque factum sit: cur hoc modo potius, quam illo; cur ab hoc potius, quam ab illo; cur nullo adjutore, aut cur hoc; cur nemo sit conscientius, aut cur sit, aut cur hic sit; cur hoc ante factum sit; cur hoc ante factum non sit; cur hoc in ipso negotio; cur hoc post negotium; aut quid factum de industria, aut quid rem ipsam consecutum sit; constetne oratio aut cum re, aut ipsa secum; hoc hujusne rei sit signum, an illius, an ² et hujus et illius, et utrius potius; quid factum sit, quod non oportuerit, aut non factum, quod oportuerit.

Quum animus hac intentione omnes totius negotii partes considerabit, tum illi ipsi in medium conservati loci procedent, de quibus ante dictum est; et ³ tum ex singulis, tum ex conjunctis argumenta certa nascentur. Quorum argumentorum pars probabili, pars necessario in genere versabitur. Accedunt autem ad conjecturam sepe questio[n]es, testimonia, rumores: quae contra omnia uterque simili via praeceptorum torquere ad suae causae commodum debet. Nam et ex questio[n]e suspi-

¹ Quid. ² Abest et. ³ Quum.

ciones, et ex testimonio, et ex rumore aliquo paratione, ut ex causa, et ex persona, et ex facto duci oportebit.

Quare nobis et ii videntur errare, qui hoc genus suspicionum artificii non putant indigere, et ii, qui aliter hoc de genere, ac de omni conjectura praecipiendum putant. Omnis enim iisdem ex locis conjectura sumenda est: nam et ejus, qui in quæstione aliiquid dixerit, et ejus, qui in testimonio, et ipsius rumoris causa et veritas ex iisdem attributionibus reperiatur. Omni autem in causa pars argumentorum est adjuncta ei cause solum, quæ dicetur, et ab ipsa ita ducta, ut ab ea separatim in omnes ejusdem generis causas transferri non satis commode possit; pars autem est pervagatio[n], et aut in omnes ejusdem generis, aut in plerasque causas accommodata.

XV. Hæc ergo argumenta, quæ transferri in multas causas possunt, locos communes nominamus. Nam locus communis aut certæ rei quamdam continet amplificationem: ut si quis hoc velit ostendere, eum, qui parentem necarit, maximo supplicio esse dignum; quo loco, nisi perorata et probata causa, non est utendum: aut dubiæ, quæ ex contrario quoque habeat probabiles rationes argumentandi: ut suspicionibus credi oportere, et contra,

suspicionibus credi non oportere. Ac pars locorum communium ¹ per indignationem, aut per con- questionem inducitur, de quibus ante dictum est; pars per aliquam probabilem utraque ex parte rationem.

Distinguitur autem oratio atque illustratur maxime, raro inducendis locis communibus, et aliquo loco, jam certioribus illis [auditoribus, et] argumentis confirmatis. Nam et tum conceditur commune quiddam dicere, quem diligenter aliquis proprius causæ locus tractatus est, et auditoris animus aut renovatur ad ea, quæ restant, aut omnibus jam dictis exsuscitatur. Omnia enim ornamenta elocutionis, in quibus et suavitatis et gravitatis plurimum consistit, et omnia, quæ in inventione ² verborum et sententiarum aliquid habent dignitatis, in communes locos conferuntur. Quare, non ut causarum, sic oratorum quoque multorum communes loci sunt. Nam nisi ab iis, qui multa exercitatione magna sibi verborum et sententiarum copiam comparaverint, tractari non poterint ornate, et graviter, quemadmodum natura ipsorum desiderat. Atque hoc sit nobis dictum communiter de omni genere locorum communium.

XVI. Nunc exponemus, in conjecturalem con-

¹ Aut per. ² Et verborum.

stitutionem qui loci communes incidere soleant: suspicionibus credi oportere, et non oportere; rumoribus credi oportere, et non oportere; testibus credi oportere, et non oportere; quæstionibus credi oportere, et non oportere; vitam ante actam spectari oportere, et non oportere; ejusdem esse, qui in illa re peccarit, et hoc quoque admisisse, et non esse ejusdem; maxime spectari causam oportere, et non oportere. Atque hi quidem, et si qui ejusmodi ex proprio argumento communes loci nascentur, in contraria partes deducentur.

Certus autem locus est accusatoris, per quem auget facti atrocitatem; et alter, per quem negat malorum misereri oportere: defensoris, per quem calumnia accusatorum cum indignatione ostenditur; et per quem cum conquestione misericordia captatur. Hi, et ceteri omnes loci communes, ex iisdem præceptis sumuntur, quibus ceteræ argumentationes: sed illæ tenuis, et acutius, et subtilius tractantur; hi autem gravius, et ornatus, et cum verbis, tum etiam sententiis excellentibus. In illis enim finis est, ut id, quod dicitur, verum esse videatur; in his, tametsi hoc quoque videri oportet, tamen finis est amplitudo. Nunc ad aliam constitutionem transeamus.

XVII. Quum est nominis controversia, quia vis vocabuli definita verbis est, constitutio definitiva

dicitur. Ejus generis exemplo nobis posita sit hæc causā: « C. Flaminius is, qui consul rempublicam « male gessit bello Punico secundo, quum tribunus « plebis esset, invito senatu, et omnino contrā vo- « luntatem omnium optimatum, per seditionem ad « populum legem agrariam ferebat. Hunc pater suus « concilium plebis habentem de templo deduxit: « arcessitur majestatis. » Intentio est, « Majestatem « minnisti, quod tribunum plebis de templo de- « duxisti. » Depulsio est, « Non minui majestatem. » Questio est, « Majestatemne minuerit. » Ratio, « In filium enim quam habebam potestatem, ea « usus sum. » Rationis infirmatio, « At enim, qui « patria potestate, hoc est, privata ¹ quadam, tri- « bunitiam [potestatem], hoc est, populi potesta- « tem infirmat, minuit is majestatem. » Judicatio est, « Minuatne is majestatem, qui in tribunitiam « potestatem patria potestate utatur. » Ad hanc iudicationem argumentationes omnes afferri oportebit.

Ac ne quis forte arbitretur, nos non intelligere, aliam quoque incidere constitutionem in hanc cau- sam; eam nos partem solam sumimus, in quam præcepta nobis danda sunt. Omnibus autem par- tibus hoc in libro explicatis, quivis omni in causa,

¹ Al. male uncis includunt quadam.

si diligenter attendet, omnes videbit constitutions, et earum partes, et controversias, si que forte in eas incident. Nam de omnibus perscribemus.

Primus ergo accusatoris locus est, ejus nominis, cuius de vi queritur, brevis, et aperta, et ex hominum opinione definitio, hoc modo: « Majestatem « minuere, est de dignitate, aut amplitudine, aut « potestate populi, aut eorum, quibus populus po- « testatem dedit, aliiquid derogare. » Hoc si brevi- ter expositum, pluribus verbis est et rationibus confirmandum, et ita esse, ut descripseris, ostendendum. Postea ad id, quod definieris, factum ejus, qui accusabitur, adjungere oportebit, et ex eo, quod ostenderis esse; verbi causa, majestatem minuere; docere, adversarium majestatem minuisse, et hunc locum totum communi loco confirmare, per quem ipsius facti atrocitas, aut indignitas, aut omnino culpa cum indignatione au- geatur.

Post erit infirmanda adversariorum descriptio. Ea autem infirmabitur, si falsa demonstrabitur. Hoc ex opinione hominum sumetur, quum, quemadmo- dum, et quibus in rebus homines in consuetudine scribendi, aut sermocinandi eo verbo uti soleant, considerabitur. Item infirmabitur, si turpis, aut inutilis esse ostendetur ejus descriptionis approba-
tio, et si, quæ incommoda consecutura sint, eo con-

cesso, ostendetur; id autem ex honestatis et utilitatis partibus sumetur, de quibus in deliberationis praeceptis exponemus: et si cum definitione nostra adversariorum definitionem conferemus, et nostram, veram, honestam, utilem esse demonstrabimus; illorum, contra. Quæreremus autem res, aut majori, aut pari in negotio similes, ex quibus affirmetur nostra descriptio.

XVIII. Jam si res plures erunt definienda: ut, si quæratur, « Fur sit, an sacrilegus, qui vasa ex privato sacra surripuerit; » erit utendum pluribus definitionibus; deinde simili ratione causa tractanda. Locus autem communis in ejus malitiā, qui non modo rerum, verum etiam verborum potestatem sibi arrogare conetur, ut et faciat quod velit, et id, quod fecerit, quo velit nomine appelleat.

Deinde defensoris primus locus est, item nominis brevis, et aperta, et ex opinione hominum descrip-
tio, hoc modo: « Majestatem minovere, est aliquid de republica, quem potestatem non habeas, ad-
ministrare. » Deinde hujus confirmatio similibus et exemplis, et rationibus. Postea sui facti ab illa definitione separatio. Deinde locus communis, per quem facti utilitas, aut honestas adaugetur.

Deinde sequitur adversariorum definitionis re-
prehensio, quæ iisdem ex locis omnibus, quos ac-

cusatori præscripsimus, conficitur; et cetera post eadem præter communem locum inducentur. Locus autem communis erit defensoris is, per quem indignabitur, accusatorem sui periculi causa non res solum convertere, verum etiam verba commutare conari. Nam illi quidem communes loci, qui aut calumniaæ accusatorum demonstranda, aut misericordiæ captandæ, aut facti indignandi, aut a misericordia deterrendi causa sumuntur, ex periculi magnitudine, non ex causa genere, ducuntur. Quare non in omnem causam, sed in omne causæ genus incidunt. Eorum mentionem in conjecturali constitutione fecimus. Inductione autem, quum causa postulabit, utemur.

XIX. Quum autem actio translationis aut commutationis indigere videtur, quod non aut is agit, quem oportet, aut cum eo, quicum oportet, aut apud quos, qua lege, qua poena, quo crimen, quo tempore oportet, constitutio translativa appellatur. Hujus nobis exempla permulta opus sunt, si singula translationum genera quæramus: sed quia ratio præceptorum similis est, exemplorum multitudine supersedendum est. Atque in nostra quidem consuetudine multis de causis fit, ut rarius incident translationes. Nam et prætorii exceptionibus multe excluduntur actiones, et ita jus civile habemus constitutum, ut causa cadat is, qui non, quemadmo-

dum oportet, egerit. Quare in jure plerumque versantur. Ibi enim et exceptiones postulantur, et quodammodo agendi potestas datur, et omnis conceptio privatorum judiciorum constituitur. In ipsis autem judiciis rarius incident, et tamen si quando incident, ejusmodi sunt, ut per se minus habeant frumentidinis, confirmant autem assumpta alia aliqua constitutione: ut in quodam judicio, « Quum « benefici cuiusdam nomen esset delatum, et, quia « parricidii causa subscripta esset, extra ordinem « esset acceptum, quum in accusatione alia quæ- « dam crimina testibus et argumentis confirmaren- « tur, parricidii autem solum mentio facta esset; « defensor in hoc ipso multum oportet et diu con- « sistat: quum de nece parentis nihil demonstratum « sit, indignum facinus esse, ea pena afficer « eum, qua parricidae afficiuntur; id autem, si «¹ damnetur, fieri necesse esse, quoniam et id « causæ subscriptum, et ex ea re nomen extra ordi- « nem sit acceptum. Ea igitur pena si affici reum « non oporteat, damnari quoque non oportere, « quoniam ea pena damnationem necessario con- « sequatur. » Hic defensor prænæ commutationem ex translativo genere inducendo, totam infirmabit accusationem. Verumtamen ceteris quoque crimi-

: Damnaretur.

nibus defendendis conjecturali constitutione translationem confirmabit.

XX. Exemplum autem translationis in causa nobis positum sit hujusmodi: « Quum ad vim facien- « dam quidam armati venissent, armati contra præ- « sto fuerunt, et cuidam equiti romano, quidam ex « armatis, resistenti, gladio manum præcidit. Agit « is, cui manus præcisa est, injuriarum. Postulat « is, quicum agitur, a prætore exceptionem, EXTRA « QUAM IN REUM CAPITIS PRÆJUDICUM FIAT. Hic is, « qui agit, judicium purum postulat: ille, quicum « agitur, exceptionem addi ait oportere. » — Quæstio est, « Excipiendum sit, an non. » — Ratio, « Non enim oportet, in recuperatorio judicio, « ejus maleficii, de quo inter sicarios queritur, « præjudicium fieri. » — Infirmitatio rationis, « Ejus- « modi sunt injuriæ, ut de his indignum sit non « primo quoque tempore judicari. » — Judicatio, « Atrocitas injuriarum satisne cause sit, quare, « dum de ea judicetur, de aliquo majore maleficio, « de quo judicium comparatum sit, præjudicetur. » Atque exemplum quidem hoc est. In omni autem causa ab utroque queri oportebit, a quo, et per quos, et quomodo, et quo tempore aut agi, aut judicari, aut quid statui de ea re conveniat.

Id ex partibus iuris, de quibus post dicendum est, sumi oportebit, et ratiocinari, quid in simili-

bus rebus fieri soleat, et videre, utrum malitia aliud agatur, aliud simuletur, an stultitia, an necessitudine, quod alio modo agi non possit, an occasione agendi sic sit judicium aut actio constituta, ac recte sine ulla re ejusmodi res agatur. Locus autem communis contra eum, qui translationem inducit; fugere judicium ac poenam, quia cause diffidat. A translatione autem; omnium fore perturbationem, si non ita res agantur, et in judicium veniant, quo pacto oporteat; hoc est, si aut cum eo agatur, quicum non oporteat, aut alia poena, alio crimen, alio tempore; atque hanc rationem ad perturbationem judiciorum omnium pertinere. Tres igitur ea constitutiones, quae partes non habent, ad hunc modum tractabuntur. Nunc generalem constitutionem, et partes ejus considere-
mus.

XXI. Quum et facto, et facti nomine concesso, neque ulla actionis illata controversia, vis et natura, et genus negotii ipsius queritur; constitutionem generalem appellamus*. Hujus primas esse partes duas nobis videri diximus, negotialem, et juridicalem. Negotialis est, quae in ipso negotio juris civilis habet ¹ implicitam controversiam. Ea

* Lib. 1, 9.

² Implicitam.

est hujusmodi: « Quidam pupillum heredem fecit; pupillus autem ante mortuus est, quam in suam tutelam ¹ venisset. De hereditate ea, quae pupillo venit, inter eos, qui patris pupilli heredes secundi sunt, et inter agnatos pupilli controversia est. Possessio heredum secundorum est: » Intentio est agnatorum, « Nostra pecunia est, de qua is, cuius agnati sumus, testatus non est. » Depulsio est, — « Imo nostra, qui heredes secundi testamento patris sumus. » Quæstio est, « Utrorum sit. » Ratio est, « Pater enim et sibi, et filio testamentum scripsit, dum is pupillus esset. » Quare, qua filii fuerunt, testamento patris nostra fiant necesse est. » Infirmatio est rationis, « Imo pater sibi scripsit, et secundum heredem non filio, sed sibi jussit esse. Quare, præterquam quod ipsius ² fuit, testamento illius vestrum esse non potest. » Judicatio, « Positne quisquam de filii pupilli re testari; an heredes secundi ipsius patrisfamilias, non filii quoque ejus pupilli heredes sint. » Atque hoc non alienum est, quod ad multa pertineat, ne aut nusquam, aut usquequaque dicatur, hic admonere. Sunt causæ, quæ plures habent rationes in simplici constitutione: quod fit, quem id, quod factum est, aut quod defenditur,

² Veniret. ² Fuit in testamento illius.

pluribus de causis rectum, aut probable videri potest, ut in hac ipsa causa. Supponatur enim ab heredibus haec ratio: « Unius enim pecuniae plures, « dissimilibus de causis, heredes esse non possunt, « nec unquam factum est, ut ejusdem pecuniae alius « testamento, alias lege heres esset; » infirmatio haec erit, « Non est una pecunia: propterea, quod « altera jam erat pupilli adventitia; cuius heres « non, illo tempore, testamento quisquam scriptus « erat, si quid pupillo accidisset: et de altera, patris etiam nunc mortui voluntas plurimum valebat, que jam mortuo pupillo suis heredibus concedebat. »

Judicatio est, « Unane pecunia fuerit: » ac, si hac erunt usi confirmatione, « Posse plures esse unius pecuniae heredes dissimilibus de causis; » de eo ipso judicatio nascitur, « Possintne ejusdem pecuniae plures dissimilibus generibus esse heredes. »

XXII. Ergo una in constitutione intellectum est, quomodo et rationes, et rationum confirmationes, et praeterea judicaciones plures sunt. Nunc hujus generis praecepta videamus. Utrisque, aut etiam omnibus, si plures ambigent, jus ex quibus rebus constet, est considerandum. Initium ergo ejus ab natura dictum videretur: quædam autem ex utilitatis ratione aut perspicua nobis, aut obscura, in con-

suetudinem venisse; post autem, approbata quædam, aut a consuetudine aut a vero utilia visa, legibus esse firmata: ac naturæ quidem jus esse, quod nobis non opinio, sed quedam innata vis affterat, ut religionem, pietatem, vindicationem, observantiam, veritatem. Religionem, eam, que in metu et cærimoniam deorum sit, appellant: pietatem, que erga patriam, aut parentes, aut alias sanguine conjunctos officium conservare moneat: gratiam, quæ in memoria, et remuneratione officiorum, et honoris, et amicitiarum observantiam teneat: vindicationem, per quam, vim, et contumeliam, defendendo, aut ulciscendo, propulsamus a nobis, et a nostris, qui nobis esse cari debent, et per quam peccata punimus: observantiam, per quam atate, aut sapientia, aut honore, aut aliqua dignitate antecedentes veremur et colimus: veritatem, per quam damus operam, ne quid aliter, quam confirmaverimus, fiat, aut factum aut futurum sit. Ac naturæ quidem jura minus ipsa queruntur ad hanc controversiam, quod neque in hoc civili jure versantur, et a vulgari intelligentia remotiora sunt; ad similitudinem vero aliquam, aut ad rem amplificandam sepe sunt inferenda.

Consuetudinis autem jus esse putatur id, quod voluntate omnium sine lege vetustas comprobarit. In ea autem jura sunt quædam ipsa jam certa prop-

ter vetustatem. Quo in genere et alia sunt multa, et eorum multo maxima pars, quæ prætores edere consuerunt. Quedam autem genera juris jam certa consuetudine facta sunt: quod genus, pactum, par, judicatum. Pactum est, quod inter aliquos convenit, quod jam ista justum putatur, ut jure præstari dicatur. Par, quod in omnes aequabile est. Judicatum, de quo jam ante sententia aliquius, aut aliquorum constitutum est. Jam jura legitima ex legibus cognosci oportebit. His ergo ex partibus juris, quidquid aut ex ipsa re, aut ex simili, aut ex maiore minore nasci videbitur, attendere, atque elicere pertinendo unamquamque partem juris oportebit. Locorum autem communium, quoniam (ut ante dictum est) duo sunt genera, quorum alterum dubia rei, alterum certa continet amplificationem, quid ipsa causa det, et quid augeri per communem locum possit et oporteat, considerabitur. Nam certi, qui in omnibus incident, loci, prescribi non possunt: in plerisque fortasse¹ ab auctoritate jurisconsultorum, et contra auctoritatem dici oportebit. Attendendum est autem et in hac, et in omnibus, num quos locos communes, præter eos, quos exposuimus, ipsa res ostendat. Nunc juridicale genus et partes ejus consideremus.

¹ Lamb. pro, minus eleganter.

XXIII. Juridicalis est, in qua æqui et iniqui natura, et præmii aut poena ratio quæritur. Hujus partes sunt duæ, quarum alteram absolutam, assumtivam alteram nominamus. Absoluta est*, quae ipsa in se, non ut negotialis implicite et abscondite, sed patentius et expeditius recti et non recti quæstationem continet. Ea est hujusmodi: «Quum Thebani Lacedæmonios bello superavissent, et fere mos esset Graiis, quum inter se bellum gessissent, ut ii, qui vicissent, tropæum aliquod in finibus statuerent, victoriæ modo in presentia declarande causa, non ut in perpetuum belli memoria maneret; aeneum statuerunt tropæum. Accusantur apud Amphictyonas, id est, apud commune Græcæ concilium.» Intentio est, «Non oportuit.» Depulsio est; «Oportuit.» Quæstio est, «Oportueritne. Ratio est, «Eam enim ex bello gloriam virtute peperimus, ut ejus æterna insignia posteris nostris remquere vellamus.» Infirmatio est, «Attamen æternum inimicitiarum monumentum Graios de Graiis statuere non oportet.» Judicatio est, «Quum summæ virtutis celebrandæ causa Graii de Graiis æternum inimicitiarum monumentum statuerint, rectene, an contra fecerint.» Hanc ideo rationem subjecimus, ut hoc causæ genus

* Ad Herenn. II, 13.

ipsum, de quo agimus, cognosceretur. Nam si eam supposuissemus, qua fortasse usi sunt: « Non enim « justa, neque pie bellum gessistis; » in relationem criminis delaberemur, de qua post loquemur. Utrumque autem causæ genus in hanc causam incidere perspicuum est. In hanc argumentationes ex iisdem locis sumenda sunt, atque in causam negotialem, qua de ante dictum est. Locos autem communes et ex causa ipsa, si quid inerit indignationis aut conquestionis, et ex juris utilitate, et natura multos et graves sumere licebit, et oportebit, si causa dignitas videbitur postulare.

XXIV. Nunc assumtvam partem juridicalis consideremus. Assumptiva igitur tunc dicitur, quum ipsum ex se factum probari non potest, aliquo autem foris adjuncto arguento defenditur. Ejus partes sunt quatuor: comparatio, relatio criminis, remotione criminis, concessio.

Comparatio est, quum aliquod factum, quod per se ipsum non sit probandum, ex eo, cuius id causa factum est, defenditur. Ea est hujusmodi: « Quidam imperator, quum ab hostibus circumscriptus deretur, neque effugere ullo modo posset, deinceps pactus est cum eis, ut arma et impedimenta relinquaret, milites educeret: itaque fecit: armis et « impedimentis amissis, præter spem milites concessio servavit. Accusatur majestatis. » Incurrit hoc de-

finito. Sed nos hunc locum, de quo agimus, consideremus.

Intentio est, « Non oportuit arma et impedimenta relinquare. » Depulsio est, « Oportuit. » Quæstio est. « Oportueritne. » Ratio est, « Milites enim omnes periissent. » Infirmatio est, aut conjecturalis, « Non periissent; » aut altera conjecturalis, Non ideo fecisti. » Ex quibus sunt judicationes, « Periissentne; » et, « Ideone fecerit; » aut hæc comparativa, cuius nunc indigemus, « At enim satius fui amittere milites, quam arma et « impedimenta hostibus concedere. » Ex qua iudicatio nascitur, « Quum omnes perituri milites essent, nisi ad hanc pactionem venissent, utrum satius fuerit amittere milites, an ad hanc conditionem venire. »

Hoc causæ genus ex his locis tractari oportebit, et adhibere ceterarum quoque constitutionum rationem atque præcepta; ac maxime conjecturis faciendis ^{*} infirmare illud, quod cum eo, quod criminabatur, ii, qui accusabantur, comparabunt. Id fieri, si aut id, quod dicent defensores futurum fuisse, nisi id factum esset, quo de facto judicium est, futurum fuisse negabitur; aut si alia ratione, et aliam ob causam, ac dicet se reus fecisse, demons-

* Supra, cap. v.

trabitur esse factum. Ejus rei confirmatio , et item contraria de parte infirmatio ex conjecturali constitutione sumetur. Sin autem certo nomine maleficii vocabitur in judicium , sicut in hac causa (nam majestatis arcessitur) , definitione et definitionis præceptis uti oportebit.

XXV. Atque hoc quidem plerumque in genere accidit , ut ¹ et conjectura et definitione utendum sit. Sin aliud quoque aliquod genus incidet , ejus generis præcepta licebit huc pari ratione transferre. Nam accusatori maxime est in hoc elaborandum , ut id ipsi factum , propter quod sibi reus concedi putat oportere , quam plurimis infirmet rationibus. Quod facile est , si quam plurimis constitutionibus ² aggreditur id improbare.

Ipsa autem comparatio , separata a ceteris generibus controversiarum , sic ex sua vi considerabitur , si illud , quod comparabitur , aut non honestum , aut non utile , aut non necessarium fuisse , aut non tantopere utile , aut non tantopere honestum , aut non tantopere ³ necessarium demonstrabitur.

Deinde oportet accusatorem , illud , quod ipse arguat , ab eo , quod defensor comparat , separare. Id autem faciet , si demonstrabit , non ita fieri solere , neque oportere , neque esse rationem , quare hoc

¹ Abest et. ² Aggreditur. ³ Necessarium fuisse.

propter hoc fiat , ut , propter salutem militum , ea , que salutis causa comparata sunt , hostibus tradantur. Postea comparare oportebit cum beneficio maleficium , et omnino id , quod arguitur , cum eo , quod factum ab defensore ¹ laudatur , aut faciendum fuisse demonstrabitur , contendere , et hoc extenuando , maleficii magnitudinem simul adaugere. Id fieri poterit , si demonstrabitur , honestius , utilius , magis necessarium fuisse ² id , quod vitarit reus , quam illud , quod fecerit. Honesti autem et utilis et necessarii vis et natura in deliberationis præceptis cognoscetur ³.

Deinde oportebit ipsam illam comparativam iudicationem exponere , tanquam causam deliberativam , et de ea ex deliberationis præceptis deinceps dicere. Sit enim hæc iudicatio , quam ante exposuimus : « Quum omnes perituri milites essent , nisi ad hanc pactionem venissent , utrum satius fuerit perire milites , an ad hanc pactionem venire . » Hoc ex locis deliberationis , quasi aliquam in consultationem res veniat , tractari oportebit.

XXVI. Defensor autem , quibus in locis ab accusatore aliæ constitutiones erunt inductæ , in iis ipse quoque ex iisdem constitutionibus defensionem

¹ Laudabitur. ² Illud.

³ Infra , cap. 51.

comparabit; ceteros autem omnes locos, qui ad ipsam comparationem pertinebunt, ex contrario tractabit.

¹ Loci communes erunt, accusatoris, in eum, qui quum de facto turpi aliquo, aut inutili, aut utroque fateatur; querat tamen aliquam defensionem, et faciat inutilitatem, aut turpidinem cum indignatione ² proferre; defensoris, nullum factum inutile, neque turpe, neque item uile, neque honestum putari oportere, nisi, quo animo, quo tempore, qua de causa factum sit, intelligatur: qui locus ita communis est, ut bene tractatus in hac causa, magno ad persuadendum momento futurus ³ sit; et alter locus, per quem, magna cum amplificatione, beneficii magnitudo ex utilitate, aut honestate, aut facti necessitudine ⁴ demonstratur; et tertius, per quem res expressa verbis, ante oculos eorum, qui audiunt, ponitur, ut ipsi se quoque idem facturos fuisse arbitrentur, si sibi illa res, atque ea faciendi causa per idem tempus accidisset.

Relatio criminis est, quum reus id, quod arguitur, confessus, alterius se inductum peccato, jure fecisse demonstrat. Ea est hujusmodi: « Horatius,

¹ Loci autem. ² Proferre. Defensoris est. ³ Sit. Et.
⁴ Demonstratur. Et.

« occisis tribus ¹ Cariatiis, et duobus amissis fratribus, domum se victor recepit. Is animadvertisit sororem suam de fratribus morte non laborantem; sponsi autem nomen appellantem identidem Curiatii cum gemitu et lamentatione. Indigne passus, virginem occidit. Accusatur. »

Intemio est, « Injuria sororem occidisti. » Depulsio est, « Jure occidi. » Questio est, « Jurene occiderit. » Ratio est, « Illa enim hostium mortem lugebat, fratrum negligebat; me et populum romanum viciisse moleste ferebat. » Infirmatio est, « Tamen a fratre indemnata necari non oportuit. » Ex qua judicatio fit: « Quum Horatia fratum mortem negligeret, hostium lugeret, fratris et populi romani Victoria non gauderet, oportuerit ritme eam a fratre indemnata necari. »

XVII. Hoc in genere causæ, primum si quid ex ceteris dabitur constitutionibus, sumi oportebit, sicut in comparatione præceptum est; postea si qua facultas erit, per aliquam constitutionem illum, in quem crimen transfertur, defendere; deinde, levius esse, quod in alterum peccatum reus transferat, quam quod ipse suscepit; postea translationis partibus uti ²: et ostendere a quo, et per quos, et

¹ Ernest. maluit Curiatis, et post, Curiatis, e mss.

² Supra, cap. 19.